

# ପିତର ଦ୍ୱିତୀୟଥର ଲେଖିଥିବା ପତ୍ର ପିତର ଦୁଇପାଲି ଲେଖିରଚିବା ଚିଠି ଏ ବଇର ବିସଇ ଜାନ୍‌ବାଟା

ପିତର ଦୁଇପାଲି ଲେଖିଲା ଚିଠି ଜାନାଇଲାନି କି, ଏ ଚିଠି ପେରିଡ଼ ପିତର ଲେଖିଲାଆତେ । ମାତର ଏବେ କେତେକ୍ କେତେକ୍ ପଣ୍ଡିତମନ୍ ଏଟା ସତ ନାଇ ବଲି କଇଲାଇନି । କଇବାକେଗାଲେ ଏଟା ଗଟେକ୍ ବିନ୍ ପିତର ଲେଖିଆତେ । ସେ ଜିସୁକିରିସ୍‌ଟର ଗଟେକ୍ ସତ୍ ସାକି ରଇଲା ବଲି ଲେଖିଲା ଲକ୍ କଇଲାନି । ଦେକ୍‌ବା ଇସାବେ ଜିସୁକିରିସ୍‌ଟ ବାଦଲ୍‌ବା ବିସଇ କଇଲାନି ୧:୧୭-୧୮ । ପିତର ଏ ଚିଠି କିରିସ୍‌ଟ ଜନମ୍ ଅଇଲାପତେ ୫୭-୬୯ ବିତ୍‌ରେ ତାର୍ ମରନ୍ ଅଇବା ଆଗୁତୁ ଏଟା ଲେଖିଲାଆତେ । ପିତର ଏଟା ତାର୍ ଦୁଇପାଲି ଲେଖିବା ଚିଠିବଲି ମିସା କଇଆତେ ୩:୧ ।

ପିତରର ପର୍ତୁଗାଲ ଚିଠି ଲେଖାଅଇଲା ପତେ, ସେ ଲେକାର୍ ବେଲାକେ ଇତି ଜାଗାଦେଇ ଏଟାକେ ଦୁଇପାଲି ଲେଖିଲା ଚିଠି ବଲି କଇଆତେ । ଏ ଚିଠିଟାନ୍‌ସେ ସବୁ ବିସ୍‌ବାସିମନ୍‌କେ ତାର୍ ସବୁ ବିସଇ ଦେଇଆତେ । ପିତର ବିସ୍‌ବାସିମନ୍‌କେ ସାଆସ୍ ଆରି ନିକସଙ୍ଗେ ଜିଉନା କାଉନା କର୍‌ବାକେ ଆରି ମିର୍ ସିକିଆ ଦେଉ ମନର୍ କାତା ନ ମାନି ଜାଗରତ୍ ରଇବାକେ ଏ ଚିଠିଟାନ୍‌ସେ ଲେଖିଆତେ ୨ । ଜିସୁ ଆଇବାଟା ବେସି ଦିନ୍ ଆତେ ବଲି ମିର୍ କଇବା ଲକ୍‌ମନ୍‌କେ ସାଆସ୍ ଦେଲାନି । ପର୍‌ମେସର୍ ଦିରେ ରଇବା ପର୍‌ମେସର୍ ନଏ, ମାତର୍ ସବୁଲକ୍ ତାର୍‌ଲାଗି ଉଦାର୍ ପାଅତ୍ ବଲି ସେ ମନ୍‌କଲାନି ୨ ଯ୍ ପିତର ୩:୮-୯ ଏଟାସେ ଗଟେକ୍ ନିକସଙ୍ଗେ ଜିଉନା କାଉନା କର୍‌ବାଟା ୩:୧୪

## ଏ ବଇ ବିତ୍‌ରେ ରଇବାଟା

- ୧. ପିତର ତାର୍ ନିଜର୍ ବିସଇ ଆରି ତାର୍ ଚିଠି ପଢ଼ିବା ଲକ୍‌ମନ୍‌କେ ରଇବା ଜାଗା ବିସଇରେ ଜାନାଇଲାନି । ୧:୧-୨
- ୨. ତାର୍‌ପତେ ବିସ୍‌ବାସି ବାଇବଇନିମନ୍‌କେ ନିକସଙ୍ଗେ ଜିଉନା କାଉନା କର୍‌ବାକେ ଏତାଇଦେଲାଆତେ । କାଇକେବଇଲେ ପର୍‌ମେସର୍ ଆମ୍‌କେ ସାଆସ୍ ଦେଲାଆତେ । ୧:୩-୨୧

୩. ସେ ମିତ୍ର ସିକାଈବା ଗୁରୁମନ୍ଦିର ଜାଗରତା କରାଇ ସାରାସାରି ପତେ ସେମନରୁଲଗି କାଈଟା ଗର୍ସି, ସେଟା କଇଲାଆତେ । ୨:୧-୨୨
୪. ପିତୃ ଜିସୁକିରିସ୍ଟ ଆରିତରେକ୍ ଆଇବା ବିସଇ ଜାଗିରଇ ଜିଉନା କାଉନା କର୍ବାକେ ସାସ୍ ଦେଇଆତେ । ୩:୧-୧୮

### ପିତୃ ଦୁଇପାଲି ଚିଟି ଲେକବାଟା

<sup>୧</sup> ମୁଇ ସିମନ୍ ପିତୃ, ଜିସୁକିରିସ୍ଟର ଗଟେକ୍ ଗତିଦାଈଡା ଆରି ପେରିଡ୍ ଅଇଆଟି ।

ଆମେ ଜେନ୍ତି ଜିସୁକିରିସ୍ଟକେ ବିସ୍ବାସ୍ କରିଆରୁ, ସେନ୍ତାରି ବିସ୍ବାସ୍ କର୍ବା ଲକ୍ମନ୍ଦକେ ଏ ଚିଟି ଲେକଲିନି । ସେ ଆମର୍ ପରମେସର୍ ଆରି ମୁକ୍ତିକାରିଆ । ତାକେ ବିସ୍ବାସ୍ କର୍ବାକେ ସେ ଆକା ଆମ୍‌କେ ବପୁଦେଲାଆତେ । ସେ କର୍ବା ସବୁ କାମ୍ ଚିକ୍ ଆରି କାଇ ଅନିଆଇ ନାଇ ।

<sup>୨</sup> ପରମେସର୍‌କେ ଆରି ଆମର୍ ମାପରୁ ଜିସୁକିରିସ୍ଟକେ ତମେ ଜାନ୍‌ଲାର୍ ପାଇ ତାର୍ ସାନ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମ୍‌କେ ମିଲି ।

### ପରମେସର୍ ଡାକଲାଟା ଆରି ବାଟ୍‌ଲାଟା

<sup>୩</sup> ତାକେ ସାର୍‌ଦା କରାଇଲାପାରା ଚଲାଚଲ୍‌ତି କର୍ବାକେ ସେ ଆମ୍‌କେ ଲଡାକେ ଆଇବା ସବୁ ବିସଇ ଦେଲାଆତେ । ତାର୍ ବପୁରୁଲାଗି ସେ ଆମ୍‌କେ ଏଟା ଦେଲାଆତେ ଆରି ଆମେ ତାକେ ଜାନ୍‌ଲାର୍‌ପାଇ ମିସା । ତାର୍ ମଇମାଇ ଆରି ଦରମେ ମିସ୍‌ବାକେ ସେ ସେ ଆମ୍‌କେ ଡାକିଆତେ । <sup>୪</sup> ତାର୍ ମଇମା ଆରି ଦରମର୍ ଲାଗି ସେ ଆମ୍‌କେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆତେ । କିରିସ୍ଟକେ ବିସ୍ବାସ୍ ନ କଲା ଲକ୍ମନ୍ଦ ଜେନ୍ତିକି କାରାପ୍ ବିସଇ କର୍ବାକେ ମନ୍ କର୍ବାଇ, ସେନ୍ତାରି ମନ୍‌କର୍ବା ଟାନେଅନି ମୁକ୍‌ଲାଈବାକେ ସେ ଆମ୍‌କେ ଏନ୍ତାରି କଲାଆତେ । ଏ ସବୁ ବିସଇ ଡାକର୍ ମନ୍‌କେ ନସାଇସି । ମାତର୍ ତମେ ପରମେସର୍‌ର ପାରା ଦରମ୍ ଅଇପାର୍‌ସା । <sup>୫</sup> ତେବେ କିରିସ୍ଟକେ ବିସ୍ବାସ୍ କଲାର୍ ପାଇ ନିକ ଚଲାଚଲ୍‌ତି କର୍ବାକେ ଚେସ୍‌ଟା କରା । ଏଟା ସଙ୍ଗ୍, ଗିଆନ୍ ସଙ୍ଗ୍ ଜିଉନାକାଉନା କର୍ବାକେ, <sup>୬</sup> ଜିଉନାକାଉନା

ସଙ୍ଘ ନିଜେ ଜାଗରତ୍ ଅଇରଇବାକେ, ଜାଗରତ୍ ରଇକରି ମୁରତି ରଇବାକେ, ମୁରତିକରି ରଇ ପରମେସ୍‌ବରକେ ସାରଦା କରବା ଗୁନ୍‌ଚଲନ୍ କରବାକେ, <sup>୭</sup> ଗୁନ୍‌ଚଲନ୍‌ସଙ୍ଘ ବାଇବଇନିକେ ଆଲାଦ୍ କରବାକେ, ବାଇବଇନିକେ ଆଲାଦ୍ କରି ସବୁଲକ୍‌କେ ଆଲାଦ୍ କରବାକେ ଚେସ୍‌ଟା କରା ।<sup>୮</sup> ତମର୍ ଚଲାଚଲ୍‌ତି ଜଦି ଏନ୍ତାରି ଅଦିକ୍ ଅଦିକ୍ ଅଇ ଆଇଲେ, ଆମର୍ ମାପୁରୁ ଜିସୁକିରିସ୍‌ଟକେ ଜାନବା ବିସଇତେଇ ତମେ ଅଦିକ୍ ଅଦିକ୍ ବଢ଼ିଆଇସା । <sup>୯</sup> ଜଦି ଗଟେକ୍ ଲକ୍ ଏନ୍ତାରି ଜିଉନାକାଉନା ନ କଲେ, ସେ ଗଟେକ୍ ନିକ ନ ତ୍ରିସବା ଲକ୍‌ପାରା ଅଇଆଚେ । ସେ ପୁରବେ କିରିରଇଲା ପାପର୍ ଲାଗି ପରମେସ୍‌ବର କେମା ଦେଲାଆଚେ ବଲି ପାସ୍‌ରିଦେଇ ଆଚେ ।

<sup>୧୦</sup> ତେବରପାଇ ଏ ମର୍ ବାଇବଇନିମନ୍, ନିକ ଚଲାଚଲ୍‌ତି କରବାକେ ଚେସ୍‌ଟା କରା । ସେନ୍ତାରିକଲେ ପରମେସ୍‌ବର ତମ୍‌କେ ବାଟିକରି ତାର୍ ଲକ୍ ଅଇବାକେ ଡାକ୍‌ଲାଆଚେବଲି ସବୁଲକ୍‌କେ ତ୍ରିସ୍‌ସି । ଏ ସବୁ ବିସଇ କଲେ ତମେ କେବେ ମିସା ତାର୍‌ତେଇଅନି ବିନ୍‌ବାଟେ ନ ଜାଆସ୍ । <sup>୧୧</sup> ଆମର୍ ମାପୁରୁ ଜିସୁକିରିସ୍‌ଟର୍ କେବେ ନ ସାରବା ରାଇଜେ ପରମେସ୍‌ବର ତମ୍‌କେ ସାରଦା ସଙ୍ଘ ଡାକିନେଇସି ।

<sup>୧୨</sup> ଏ ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସବୁ ବିସଇଟାନେ ଡାଟ୍ ଆଗାସ୍ ମିସା, ଏ ସବୁ ବିସଇ ତମ୍‌କେ ଏତାଇଦେଇତେ ରଇବି । <sup>୧୩</sup> ମୁଇ ବଢ଼ିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେନ୍ତିକି ତମେ ସେଟା ଆରି ନ ପାସ୍‌ରାସ୍ । <sup>୧୪</sup> ମର୍ ଜିବନ୍ ଦାପୁରେ ସାରିଜାଇସି ବଲି ମୁଇ ଜାନି । କାଇକେବଇଲେ ଆମର୍ ମାପୁରୁ ଜିସୁକିରିସ୍‌ଟ ମକେ ନିକସଙ୍ଘ ଜାନାଇଆଚେ । <sup>୧୫</sup> ଏ ସବୁ ବିସଇ ତମ୍‌କେ ଏତାଇଦେବାକେ ମୁଇ ବେସି ଆବଡ୍ ଅଇଲିନି । ଜେନ୍ତାରିକି ମୁଇ ମଲାପଚେ ମିସା ଏ ସବୁ ବିସଇ ଏତାଇସା ।

### କିରିସ୍‌ଟର୍ ମଇମା ସବୁଲକ୍ ଦେକ୍‌ବାଇ

<sup>୧୬</sup> ଆମର୍ ମାପୁରୁ ଜିସୁକିରିସ୍‌ଟ ତାର୍ ସବୁ ବପୁରସଙ୍ଘ ବାଉଡ଼ି ଆଇସି ବଲି ତମ୍‌କେ କଇରଇଲୁ । ସେଟା ବିନ୍ ଲକ୍ ଡାକର୍ ଚାଲାକିକରି ତିଆର୍‌କଲା ଗଟେକ୍ କାତାନି ନଏ । <sup>୧୭</sup> \*ଆମେ ନିଜେ

☆ ୧:୧୭ ୧:୧୭ ମାଡିଉ ୧୭:୧-୫; ମାର୍‌କ ୯:୨-୭; ଲୁକ୍ ୯:୨୮-୩୫

ଆଁକିସଙ୍ଗ୍ ତାର୍ ମଇମା ଦେକ୍ଲୁ । ବାବା ପର୍ମେସର୍ ତାକେ ତାକ୍ପୁଟା କରି ମଇମା ଦେଲାବେଲେ ଆମେ ତେଇ ରଇଲୁ । ସେ ନିଜେ ସବୁରଟାନେଅନି ମଇମାର୍ ପର୍ମେସର୍ କଇରଇଲା “ଏଟା ମର୍ ଆଲାଦର୍ ପ, ତାରଟାନେ ମୁଇ ବେସି ସାର୍ଦା ।” <sup>୧୮</sup> ସେ ସବଦ୍ ସୁନ୍ଲାବେଲେ ପର୍ମେସରର୍ ସୁକଲ୍ ପର୍ବତେ ଆମେ ମିସା କିରିସ୍ଟର୍ ସଙ୍ଗ୍ ରଇଲୁ ।

<sup>୧୯</sup> ବବିସତ୍ତବକ୍ତାମନର୍ କାତା ସତ୍ ଆଟେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍ଦିଆନ୍ ଦେଇ ସୁନା । କାଇକେବଇଲେ ସେଟା ଆନ୍ଦାରେ ଲାଗିରଇବା ଗଟେକ୍ ବତିର୍ ଉଜଲ୍ ପାରା ଆଟେ । ସାକଲିଆ ଉଜଲ୍ ତିସ୍ବା ତାରାର୍ପାରା ତମର୍ ମନ୍ଦିତ୍ତରେ ଉଜଲ୍ ଦେଇସି । <sup>୨୦</sup> ବବିସତ୍ତବକ୍ତାମନ୍ କେ ମିସା ନିଜେ ବାବିକରି ସାସ୍ତରଟାନେ ଲେକଡନାଇ । ଏଟା ତମେ ବାଇଦରେ ଜାନ୍‌ବାର୍ ଆଟେ । <sup>୨୧</sup> କାଇକେବଇଲେ, ସେମନ୍ କେବେମିସା ନିଜର୍ତେଇଅନି କାଇ ବବିସତ୍ତ କାତା କଅଡ୍ ନାଇ । ମାତର୍ ପର୍ମେସରଟାନେଅନି ଆଇଲା କାତା ସୁକଲ୍‌ଆଡ୍‌ମାର୍ ସାଇଜ ସଙ୍ଗ୍ କଇରଇଲା ।

## ୨

### ମିର୍ ସିକିଆ ଦେଉମନ୍

<sup>୧</sup> ପୁର୍ବେ ପର୍ମେସରର୍ ଲକ୍‌ମନର୍ ବିତ୍ତରେ ମିର୍ କାତା କଇବା ବବିସତ୍ତବକ୍ତାମନ୍ ମିସା ରଇଲା । ସେନ୍ତାରିସେ ତମର୍ ବିତ୍ତରେ ମିସା ମିର୍ ସିକାଉମନ୍ ରଇବାଇ । ପର୍ମେସରର୍ ବିସଇ ସେମନ୍ ମିର୍ଟା ସିକାଇବାଇ । ଜନ୍ ଲକ୍‌ମନ୍ ସେ କାତା ବିସ୍ବାସ୍ କର୍ବାଇ, ସେମନ୍ ବିନାସ୍ ଅଇଜିବାଇ । ସେମନ୍‌କେ ମୁକ୍‌ଲାଇଲା ନିଜର୍ ମୁକ୍ତିକାରିଆକେ ସେମନ୍ ଚାଡିଦେବାଇ । ସେନ୍ତାରି କଲାର୍ ପାଇ ପର୍ମେସର୍ ସେମନ୍‌କେ ଦାପ୍‌ରେ କୁରୁପ୍‌ନାସ୍ କର୍ସି । <sup>୨</sup> ବିସ୍ବାସି ବଲାଇଅଇବା ବେସି ଲକ୍‌ମନ୍ ତାକର୍ କାରାପ୍ ଚଲାଚଲ୍‌ତି ଦାରବାଇ ଆରି ସତ୍ ବାଟର୍ ବିସଇନେଇ କାରାପ୍ କାତା କଇ ବୁଲ୍‌ବାଇ । <sup>୩</sup> ଏନ୍ତାଟା ସିକାଉମନ୍ ଲବ୍ ଅଇକରି ନିଜେ ତିଆର୍ କରିରଇବା କାତା କଇକରି ତମ୍‌କେ ନାଡାଇବାଇ । ସେନ୍ତାରି ଲକ୍‌ମନ୍‌କେ ଡଣ୍ଟ ଦେବି ବଲି ପର୍ମେସର୍ କାତା ଦେଇରଇଲା ।

ଆରି ସେଟା କରବାକେ ସେ ଏବେ ଜାଗିଆଟେ । ସେ ସେମନ୍‌କେ କୁରୁପ୍‌ନାସ୍ କରସି ଥାକା ।

୪ ପୁରୁବେ କେତେଟା ଦୁଡ଼ମନ୍ ଜେଡେବେଲେ ପାପ୍ କରିରଇଲା, ପରମେସର୍ ସେମନ୍‌କେ ଡଣ୍ଡ ନ ଦେଇକରି ଚାଡ଼ିଦେଏ ନାଇ । ମାତର୍ ସେମନ୍‌କେ ନରକେ ପିଞ୍ଜିଦେଲା । ସେମନ୍‌କେ ବିଚାର କରି ଡଣ୍ଡଦେବା ଦିନ୍ ଜାକ ସେ ସେମନ୍‌କେ ବନ୍ଦିକରି ଆନ୍ଦାରେ ସଙ୍ଗଇସି ।<sup>୫</sup> ଆଗର୍କାଲେ ବଠିରଇବା ଲକ୍‌ମନ୍ ପରମେସର୍‌କେ ମାନିକରି ରଅଡ଼ନାଇକେ, ସେ ସେମନ୍‌କେ ଡଣ୍ଡ ନ ଦେଇକରି ଚାଡେନାଇ । ତାରବାଦୁଲେ ସେମନ୍‌ରପାଇ ବନିଆ ଆନାଇଲା । ତେଇ ସବୁଲକ୍ ବୁଢ଼ିଗାଲା । ମାତର୍ ସେ ନଅ ଆରି ତାର କୁଟୁମର୍ ସାଡ଼ଲକ୍‌କେ ସେ ରକିଆ କଲା । ସେବେଲେ ନଅ ପରମେସର୍ ଦେକ୍‌ବା ଇସାବେ ଟିକ୍ ବିସଇ କରବାର୍ ଆଟେ ବଲି ଲକ୍‌ମନ୍‌କେ କଇତେରଇଲା ।<sup>୬</sup> ସଦମ୍ ଗମରା ନଅରମନ୍‌କେ ରଇବା ଲକ୍‌ମନ୍‌କେ ପରମେସର୍ ଦସିକରି ତାକର୍ ନଅରମନ୍‌କେ ପଡ଼ାଇକରି କୁରୁପ୍‌ନାସ୍ କରିଦେଲା । ସେମନ୍ ବେସି କାରାପ୍ କାମ୍ କଲାଇଜେ ଏନ୍ତାରି କଲା । ତାକେ ନ ମାନିକରି ରଇବା ଲକ୍‌ମନ୍‌କେ ଏନ୍ତାରି ଦସା ଅଇସି ବଲି ଲକ୍‌ମନ୍‌କେ ଦେକାଇଲା ।<sup>୭</sup> ସେ ନଅରମନ୍ ପଡ଼ାଇବା ଆଗ୍‌ତୁ ସେ ଲଡ଼କେ ରକିଆ କଲା । ଲଡ଼ ଗଟେକ୍ ନିକଲକ୍ ରଇଲା । ତାର ନଅରର୍ ଲକ୍‌ମନ୍ କରିରଇବା ପାଦରାପାଦ୍‌ରି କାମ୍ ଆରି ନିୟମ୍ ନ ମାନବାଟା ଦେକି ବେସି ଦୁକ୍ କରତେରଇଲା ।<sup>୮</sup> ସେନ୍ତାରି କାରାପ୍ ଲକ୍‌ମନ୍‌ର୍ ବିଡ଼ରେ ଲଡ଼ ନିକ ସଙ୍ଗ୍ ବଠିକରି ରଇଲା । ସେମନ୍ କରିରଇବା କାରାପ୍ କାମ୍ ସେ ଦେକ୍‌ତେରଇଲା ଆରି କଇତେରଇବା ସଡ଼ ନ ରଇବା ବିସଇ, ସୁନ୍‌ତେରଇଲା । ସେ ଗଟେକ୍ ନିକ ଲକ୍ ରଇଲାଜେ ଏଟାମନ୍ ସୁନି ଦୁକ୍ କରତେରଇଲା ।<sup>୯</sup> ସେନ୍ତାର୍ ଆଲେ ଦରମ୍ ଲକ୍‌ମନ୍‌କେ ପରମେସର୍ ତାକର୍ ଦୁକ୍ କସ୍‌ଟ ତେଇଅନି ଆରି ଆଇବା ପରିକାଇ ଅନି ରକିଆ କରସି । ଆରି କାରାପ୍ ଲକ୍‌ମନ୍‌କେ ସେ ସବୁ ଲକ୍‌କେ ବିଚାର କରବା ଦିନ୍ ଜାକ ଡଣ୍ଡଦେଇ ସଙ୍ଗଇସି ।<sup>୧୦</sup> ତାକର୍ ପାପର୍ ଗୁନ୍‌ଚଲନ୍ ଇସାବେ ଚଲାଚଲ୍‌ଡିକରି ଲାଜର ବିସଇ କରବା ଲକ୍‌ମନ୍‌କେ ସେ ବେସି ବଡ଼ ଡଣ୍ଡ ଦେଇସି । ତାକର୍ ଉପରେ ସାସନ୍

କରବାକେ ପରମେସର ଜନ୍ ଅଦିକାର ଆଚେ, ସେଟା ସେମନ୍ ନିଚ୍ଛାଲାନି ।

ଏନ୍ତାରି ମିଚ୍ ସିକାଉ ଆଁକ୍ରିଆମନ୍, ନିଜର ମନକେ ଆଇଲାଟା କରବାକେ ଡରଡ୍ ନାଇ । ସର୍ଗେ ମିଲମାସକ୍ ରଇବାଟାମନ୍କେ ମିସା ନିନ୍ଦା କରବାଇ । <sup>୧୧</sup> ତାକର୍ଟାନେଅନି ଅଦିକ୍ ବଡ଼ରଇ ବସ୍ତୁ ରଇବା ଦୁଡ଼ମନ୍, ମାପରୁର୍ ମୁଆଟେ ଆକର୍ ବିସଇନେଇ ନିନ୍ଦାକାତା କଅଡ୍ ନାଇ । <sup>୧୨</sup> ମାତର୍ ଏମନ୍ ଡକ୍ରେ ରଇବା ପସୁମନ୍ପାଠା । ତାକର୍ ଗାଗଡ୍ ଜନ୍ଟା କରବାକେ ମନ୍ କରସି, ସେଟାସେ କଲାଲାନି । ସେନ୍ତାରି ପସୁମନ୍କେ ଲକ୍ମନ୍ ଦାରିକରି ମରାଇବାଇ । ସେମନ୍ ନାଜାନଲା ବିସଇ ନେଇକରି ନିନ୍ଦାକାତା କଇବାଇ । ସେମନ୍କେ ଲକ୍ମନ୍ ମରାଇଲା ପାଠା ପରମେସର୍ କୁରୁପ୍ତନାସ୍ କରସି । <sup>୧୩</sup> ବିନ୍ ଲକ୍ମନ୍କେ ସେମନ୍ ବେସି ଦୁକ୍ କସ୍ଟ ଦେଲାଆଚଡ଼କେ ପରମେସର୍ ମିସା ସେମନ୍କେ ଦୁକ୍ କସ୍ଟ ଦେଇସି । ନିଜର୍ ଗାଗଡ୍ ମନ୍ କଲାଟା ପୁରାପୁରୁନ୍ କରବାକେ ସେମନ୍ କାଇଟା ମିସା କରବାଇ । ସେଟା ଦିନ୍ବେଲେ ମିସା କରବାଇ । ମାତର୍ ସେମନ୍ ତମର୍ ସକ୍ କାଇବାକେ ବସ୍ଲାବେଲେ ମିସା ସେନ୍ତାରି ଅଇତେରଇବାଇ, ଜନ୍ଟାକି ତମ୍କେ ଇଜଡ୍ ଜିକି ଲାଜ୍ କରାଇସି । <sup>୧୪</sup> ବେସିଆ କାମ୍ କରବାକେ ସବୁବେଲେ ମନ୍ କରତେରଇବାଇ । ସେନ୍ତାରି କରବାଟାନେଅନି ସେମନ୍ କେବେ ନ ତେବଡ୍ । ମନ୍ ବିଡ଼ରେ ଦୁର୍ବଲ୍ ରଇବା ଲକ୍ମନ୍କେ ନାଡ଼ାଇକରି ପାପକାମ୍ କରବାଟାନେ ଡାକିନେବାଇ । ସେମନ୍ ବେସି ଲବି ଅଇଆଚଡ଼ । ପରମେସର୍ ସେମନ୍କେ ସାଇପ୍ ଦେଲା ଆଚେ । <sup>୧୫</sup> ସଲକ୍ ବାଟ୍ ଚାଡ଼ିକରି ବାଟ୍‌ବାନା ଅଇଲାଇ ଆଚଡ଼ । ବେଅର୍ ପଅ ବାଲାମ୍, ଜେ କି ଗଟେକ୍ ବବିସଡ଼ବକ୍ତା ରଇଲା, ସେ ଜନ୍ ରକାମ୍ କାମ୍‌ମନ୍ କରରଇଲା, ଏମନ୍ ମିସା ସେନ୍ତାରି କଲାଇଆଚଡ଼ । ଡାବୁ ଆସାଅଇ ବାଲାମ୍ ଏନ୍ତି ରଇଲାଜେ ସେଟା ମିଲାଇବାକେ ବୁଲ୍ କାମ୍ କରବାକେ ମିସା ତିଆର୍ ଅଇରଇଲା । <sup>୧୬</sup> ମାତର୍ ସେ କରରଇବା କାରାପ୍ କାମ୍‌ର ଲାଗି, ପରମେସର୍ ତାକେ ଦମ୍‌କାଇଲା । ତାର୍ ଗଦ୍ ନରଲକ୍ ପାଠା କାତା ଅଇଲା ଆରି ଜନ୍ ବାୟା କାମ୍ କରବାକେ ସେ ଜାଇତେରଇଲା, ସେ କାମେଅନି ତାକେ ତେବାଇଲା ।

<sup>୧୭</sup> ଏ ଲକ୍ମନ୍ ପାନି ଆଁଟିଜାଇରଇବା ପାଜରା ପାଠା ।

ଜବର ପବନ ଆସି ଉଡ଼ାଇନେବା ବାଦଲ ପାରା । ପରମେସର ସେମାନରପାଇ ପୁରାପୁରୁନ୍ ଆନ୍ଦାର ରଇବା ଗଟେକ୍ ଜାଗା ସଙ୍ଗଇଆତେ । <sup>୧୮</sup> ସେମନ୍ ଲକ୍ମନକେ ସିକାଇବା ବେଲେ ମୁକ୍ତିଆ ବିସଇପାରା ରଇସି, ମାତର୍ ତେଇ କାଇଟା ନ ରଏ । ଗାଗଡ଼ ମନ୍ କଲା ସବୁ ଗୁନ୍ତଲନ୍ କରିଅଇସି ବଲି ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲ୍ତି କରି ଆଇତେରଇବା ଲକ୍ମନକେ ସୁତରାଇକରି ନେବାଇ । <sup>୧୯</sup> ତାକର୍ ସିକିଆ ମାନିକରି ରଇଲେ ମୁକ୍ତି ମିଲ୍ସି ବଲି ସେମନ୍ କାତାଦେବାଇ । ମାତର୍ ସେମନ୍ ନିଜେ କାରାପ୍ ଚଲାଚଲ୍ତିର୍ ଗତିଦାଙ୍ଗତା ଅଇଆଚଡ଼ । ସେ କାରାପ୍ ଚଲାଚଲ୍ତି ସେମନ୍କେ କୁରୁପ୍ନାସ୍ କରସି । ଜଦି ଗଟେକ୍ ଲକ୍ମନକେ କାରାପ୍ ଅବିଆସ୍ ଦାରିଆତେ, ସେ ତାର୍ ଗତିଦାଙ୍ଗତା । <sup>୨୦</sup> ସେନ୍ତାରି ମିର୍ ସିକାଉମନ୍ ଲକ୍ମନକେ କୁରୁପ୍ନାସ୍ କରବା କାରାପ୍ ବିସଇତେଇଅନି ରକିଆ ପାଇକରି ଆମର୍ ମୁକ୍ତିକାରିଆ ମାପ୍ତୁ ଜିସୁକିରିସ୍ଟକେ ଜାନିରଇଲାଇ । ମାତର୍ ଆରିତରେକ୍ ସେ କାରାପ୍ ବିସଇମନ୍ କରବାକେ ନିଜେ ସର୍ପିଅଇଲାଇ ଆଚଡ଼ । ତାକର୍ ଏବର୍ ଇନସ୍ତା ଆଗତୁର୍ ଇନସ୍ତାଇ କେତେକ୍ ଅଦିକ୍ ଆତେ । <sup>୨୧</sup> ଦରମ୍ ଚଲାଚଲ୍ତି କରବା ବାଟ୍ ସେମନ୍ କେବେ ଜାନିନରଇଲେ ତାକର୍ ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ମନ ସିକିଆ ପାଇରଇବା ପରମେସରର୍ ନିୟମ୍ ଚାଡ଼ିଦେଇଆଚଡ଼ । <sup>୨୨</sup> ସେମନ୍ କଲାପାରା ବିସଇ ଉପଦେସ୍ ବଇଟାନେ ଲେକା ଅଇଲାଆତେ । କୁକୁର୍ ଜନ୍ଟା ବାଡ଼ିକରସି, ସେଟାସେ ଜାଇ କାଇସି, ଗୁସ୍ରିକେ ପାନି ଦୁଆଇଦେଇ ରଇଲେ ମିସା ସେ କାଦଲଗେସେ ଜାଇ ଚକ୍ତି ଅଇସି ।

## ୩

### ମାପ୍ତୁ ଆଇବା ଦିନ୍

<sup>୧</sup> ଏ ମର୍ ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି ଅଇଲା ଚିଟି ଲେକ୍ଲିନି । ଏ ଦୁଇଟାଜାକ ଚିଟିତେଇ ଏ ସବୁ ବିସୟ୍ ମନେ ଏତାଇ ତମର୍ ମନେ ସୁକଲ୍ କରବାପାଇ ଚିନ୍ତା କଲିନି । <sup>୨</sup> ବେସି ଆଗେ ସୁକଲ୍ ବବିସ୍ତବକ୍ତାମନ୍ ଜନସବୁ କାତା ଜାନାଇ ରଇଲାଇ ଆରି ଉଦାର୍ କରବା ମାପ୍ତୁ ଦେଇରଇବା

ଆଦେସ୍ ତମ୍ଭେ ଯେଉଁଠି ସିସ୍ତମନ୍ ଦେଇଆଚନ୍ତୁ, ସେଟା ତମ୍ଭେ  
 ମନେ ଏତାଇ ଦେବାକେ ମନ୍ଦକଲିନି । ୩ ☆ପରତମେ ଏଟା ଜାନା  
 ଜେ, ସାରଲ୍ଲା ଦିନ୍‌ମନ୍‌କେ ଲକ୍‌ମନ୍ ନିଜର୍ ନିଜର୍ କାରାପ୍ ମନ୍ଦକଲ୍ଲା  
 ଇସାବେ ଚଲ୍ଲାଚଲ୍ଲତି କରବାଇ । ସାରାସାରି ଦିନେ ସେମନ୍  
 ସତ୍ତକେ ନିସାର୍ କରି ପାଟାର୍‌ବାଇ । ୪ ଆରି କିଜାଇକରି କଇବାଇ,  
 “ଜିସୁ ଆଇବି ବଲି କାତା ଦେଇରଇଲାଟା, କେନେ ତେବେ ?”  
 କାଇକେବଇଲେ ପୁରବେଅନି ଆମର୍ ଆନିଦାଦିମନ୍ ମଲାତେଇଅନି  
 ଏବ୍‌କେ ଜାକ ସବୁ ବିସଇ ଜେନ୍ତି ରଇଲା, ଏବେ ମିସା ସେନ୍ତାର୍‌ସେ  
 ଆଚେ । ୫ ସେମନ୍ ଜାନି ଜାନି ପାସ୍‌ରିଗାଲାଇନି ଜେ ଆଗର୍ ବେଲ୍  
 ଆରି ବାଦଲ୍ ସବୁ ମାପୁରୁର୍ ବାକିଅର୍ ଲାଗି ଗଟ୍‌ଲା ଆଚେ, ଦର୍ତ୍ତନି  
 ପାନି ବିତ୍‌ରେଅନି ବାରଇଲା ଆଚେ ଆରି ଦର୍ତ୍ତନି ଚାରିବେଟ୍‌ତି ପାନି  
 ରଇଲା ବଲି । ୬ ତାର୍‌ଲାଗି ସେ ସେବେଲେ ପୁର୍ନା ଜଗତ୍ ପାନି ସଙ୍ଗ୍  
 ବୁଡ୍‌ତି ନସିଗାଲା । ୭ ମାତର୍ ଏବେ ରଇବା ବାଦଲ୍ ଆରି ଦର୍ତ୍ତନି ସେ  
 ବାକିଅର୍ ଲାଗି, ଦରମ୍ ନଇଲା ଲକ୍‌ମନ୍‌କେ ବିଚାର୍ ଆରି ବିନାସର୍  
 ଦିନ୍ ଜାକ, ଜଇ ସଙ୍ଗ୍ ନସ୍‌ଟ ଅଇବାକେ ଜମାଇକରି ସଙ୍ଗାଇଲା  
 ଆଚେ ।

୮ ମାତର୍ ଏ ଆଲାଦର୍ ବାଇମନ୍, ମାପୁରୁ ଦେକ୍‌ବା ଇସାବେ,  
 ଗଟେକ୍ ଦିନ୍‌ଜେ ଅଜାର୍ ବରସ୍ ପାରା, ଆରି ଅଜାର୍ ବରସ୍, ଗଟେକ୍  
 ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସ୍‌ରା ନାଇ ।  
 ୯ ଅଲ୍‌ସମ୍ ଅଇସି ବଲି କେତେଲକ୍ ଏତାଇଲାଇନି, ମାତର୍ ମାପୁରୁ  
 ନିଜେ କାତା ଦେଲା ବିସଇ ସେନ୍ତାର୍ ଅଲ୍‌ସମ୍ କରେନାଇ । ମାତର୍  
 କେମିସା ଜେନ୍ତିକି ବିନାସ୍ ନଅତ୍, ସେମନ୍ ସବୁ ମନ୍ ବାଦ୍‌ଲାଇବାଇ,  
 ଏଟା ସେ ମନ୍‌କରି ତମର୍ ପାଇ ବଲି ଅଲ୍‌ସମ୍ ଅଇଲାନି ।

୧୦ ☆ମାପୁରୁର୍ ଦିନ୍ ଚର୍ ଆଇଲା ରକାମ୍ କେଟିଜାଇସି । ସେ  
 ଦିନେ ବାଦଲ୍ ସବୁ ବେସି ସବଦ୍ ସଙ୍ଗ୍ ନସ୍‌ଟ ଅଇଜାଇସି, ବାଦ୍‌ଲେ  
 ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁର୍ତ୍ତିବି ଆରି ସିତି ରଇଲା  
 ଲକ୍‌ମନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡିଜିବାଇ ।

୧୧ ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍  
 ବେସି ସୁକଲ୍ ଆରି ଜାଗ୍‌ରତ୍‌ସଙ୍ଗ୍ ରଇବାର୍ ଆଚେ । ୧୨ ମାପୁରୁ

☆ ୩:୩ ୩:୩ ଜିଉଦା ୧:୧୮ ☆ ୩:୧୦ ୩:୧୦ ମାଡିଉ ୨୪:୪୩; ଲୁକ୍ ୧୨:୩୯; ୧ମ  
 ତେସଲନିକିୟ ୫:୨; ପରକାସିତ ୧୨:୧୫



ଆଇବା ଦିନକେ ଜାଗି କରି, ସେଟାଜେନ୍ତି ଦାପ୍ତରେ ଆଇସି, ସବୁ ବେଳେ ଦରମ୍ ଚଲାଚଲ୍ତି କରବାର୍ ଆଟେ ।

<sup>୧୩</sup> ✨ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି ନୁଆଁ ପୁରତିବିକେ ଜାଗ୍ଲୁନି । ସେଟା ଦରମ୍ଲକର୍ ବାସା ଅଇବା ଜାଗା ଅଇସି ।

<sup>୧୪</sup> ସେଟାର ପାଇ ଏ ଆଲାଦର୍ ବାଇମନ୍, ତମେ ସେ ଦିନକେ ଜାଗ୍ତେରୁଆ । ପର୍ମେସର୍ ଦେକ୍ବା ଇସାବେ, କାଇ ଦସ୍ ନ ଅଇତେ, ସୁକଲ୍ ଲକ୍ମନର୍ ପାରା, ତାର୍ ସଙ୍ଗ୍ ସାନ୍ତିଅଇ ରଇବାକେ ଜାଗ୍‌ରଡ୍ ଉଆ । <sup>୧୫</sup> ଆରି, ଆମର୍ ମାପୁରୁ ବେସି ଦିନ୍ ଜାଗ୍‌ବାଟା ଆରି ରକିଆ କରବାଟା ବଲି ଏତାଆ । ଆମର୍ ଆଲାଦର୍ ବାଇ ପାଉଲ୍‌କେ ମିସା ମାପୁରୁ ତାକେ ଦେଲା ବୁଦି ଇସାବେ ତମର୍ ଲଗେ ଏନ୍ତାର୍ ଲେକ୍ଲା ଆଟେ । <sup>୧୬</sup> ସେ ତାର୍ ସବୁ ଚିଟି ଲଗେ ମିସା ଏ ସମାନ୍ ବିସଇ ଲେକ୍ଲାଆଟେ । ମାତର୍ ତେଇଅନି କେତେଟା ବିସଇ ଲକ୍ମନକେ ବୁଦ୍‌ବାକେ କସ୍‌ଟ ଆଟେ । ଜନ୍ ଲକ୍ମନ୍ ନିକ ସିକଡ୍‌ନାଇ ଆରି ତାକର୍ ବିସ୍‌ବାସ୍‌ଟାନେ ତାଟ୍‌ନାଇ, ଏ ସବୁ ବିସଇର୍ ଅରଡ୍ ବୁଲ୍‌ଇସାବେ ବାତାଇଲାଇନି । ପର୍ମେସରର୍ ବାକିଅତେଇରଇବା କେତେଟା ବିନ୍ ବିସଇମନ୍ ମିସା ଏନ୍ତାରି ବୁଲ୍‌କରି ବାତାଇଲାଇନି । ଏନ୍ତାରି କଲାପାଇ ପର୍ମେସର୍ ସେମନ୍‌କେ କୁରୁପ୍‌ନାସ୍ କର୍ସି ।

<sup>୧୭</sup> ଏ ଆଲାଦର୍ ବାଇମନ୍, ତମେ ଆଗେ ଅନି ଏ ସବୁ ବିସଇ ଜାନି ଜାଗ୍‌ରତା ଅଇରୁଆ । କେତେବଲ୍ ନିୟ୍‌ମ୍ ନ ମାନ୍‌ଲା ଲକ୍ମନ୍ ଆସାର୍ କାମର୍ ପାନ୍‌ଲଗେ ଅଦ୍‌ରି, ତାଟ୍‌ସଙ୍ଗ୍ ରଇବା ବିସ୍‌ବାସେ ଅନି ଉନା ଉଆନାଇ । <sup>୧୮</sup> ମାତର୍ ଆମର୍ ମାପୁରୁ ଆରି ଉଦାର୍ କରବା ଜିସୁକିରିସ୍‌ଟର୍ ଜିବନ୍ ଦୁକାଇଲାଟା ଆରି ଗିଆନ୍ ସଙ୍ଗ୍ ଅଦିକ୍ ଅଦିକ୍ ବତା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ ସେ ତାକ୍‌ପୁଟା ପାଅ । ଆମେନ୍ ।

**ସତ୍ତ୍ୱିୟ ବାବ୍**  
**The New Testament in the Desiya language of India:**  
**ସତ୍ତ୍ୱିୟ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱିୟ ବାବ୍**  
**ଦ୍ୱିତୀୟା ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde